

AANIIN ENWAAZOD AWE GAA-GII-MAANZHIDOODAWIND IMAA DIBAakonigewining?

Aanawi awe gaa-gii-maanzhidoowind gaawin gichi-dagwiisii imaa gii-dibaakonigeng, zhaagooch gichi-inendaagwanini odikidowiniwaa, daabizinjigaadeni dash odibaajimowiniwaa apii dibaakonind gaa-gii-mamaanzhiid.

EZHI-MINOSSESINOOWEN.

Weweni daa-wiji'iwenaniwan ji-maanzhisesinog iwe nanaandogikenjigewin gemaa dibaakonigewin, gemaa ji-maanzhidoowind awiya bakaan, gemaa ji-maanzhisesinog owe dinookaan miziwe.

AANIINDI GE-IZHAAYAAMBAAN JI-NISIDOTAMAAN GAA-IZHI- MIINIGOOWIZIYAAN?

Giishpin andawendaman ji-nisidotaman aaniin enendaagwak ge-izhi-wiji'igoowamban gii-maanzhidoowaagoowin gi-daa-ganoonaag iwe gaa-inanokiiwaad imaa gidazhiikewining. Gi-daa-nakwetaagoog gaa-ishkwaa-maanzhidoowaagooyin gaye ji-wiindamaagooyin ezhisemagak dibaakonigewin.

Ji-mikaman owe dinookaan wiji'iwewin jiigiya'ii gaa-ayaayin, inaabin imaa Victim Services Directory gaa-izhising imaa Justice Canada webisa'iding omaa:

<http://www.justice.gc.ca/eng/cj-jp/victims-victimes/vsd-rsv/index.html>




EYAAGIN MAZINA'IGANAN GE-WIJI'IGOYIN

Daa-onizhishin gaye ogo ji-ganoonadwaa:

- Dakoniwewigamig
- Dibaakonigewigamig
- Gaa-dibaakoniged odoozhibii'igewigamig
- Gaa-wiji'iwewaad dibaakonigewining inake

GAA-GII- MAANZHIDOODAWINDWAA GE-IZHI WIJI'AAGANIWIWAAPAN OMAA KANADA AKIING.

Gi-daa-wiindamaagoog,
gi-daa-naadamaagoog, gi-daa-dagwii, gaye
gi-daa-giwe-diba'amaagoog
gaa-gii-wanichigeyin izhibii'igaade imaa
Kaanada akiing Inaakonigewin
Ge-wiji'igowaad
Gaa-gii-maanzhidoowindwaa!



Gi-daa-ganoonaag gaye ogo
Canada.ca/victims
ji-wiindamaagooyin giyaabi.

GIIN GE-IZHI-WIJI'IG-OO-YAMBAN E-GII-MAANZHIDOODAAGOOYIN?

Kaanada akiing Inaakonigewin Ge-wiiji'igowaad Gaa-gii-maanzhidoowindwaa (CVBR) ikidoomagan awe ga-gii-maanzhidoowindwaa gii-gagwaadagi'aaganiwi, o-gii-wani'aan zhooniyaan, gemaa gii-biigwa'igaadeniwan odaya'iiman gii-maanzhi-Gakina gaa-gii-maanzhidoowindwaa o-daa-gashkitoonaawaa imaa CVBRing ji-debinamowaad gegoonan megwaa ayaawaad omaa Kaanada akiing.

Booshke giishpin ngoji bakaan ayaawaad akiing gaawiin Kaanada, giyaabi o-daa-gashkitoonaawaa ji-debinamowaad iwe wiiji'igoowin giishpin omaa Kaanada akiing gaa-dazhi-maanzhidoowindwaa.

Giishpin awe gaa-gii-maanzhidoowindwaa nibod gemaa gashkitoosig ji-giigidootamaazod, bizaanigo ogowe o-daa-giigidootamaagoo':

- owiidigemaaganan
- awiya gaa-gii-wiijidaamigod daabishkoo ewiidigemigod ango-gikinooonowin apii iwe gii-maanzhidoowindwaa
- inawemaad gemaa onijjaanisiwid
- awiya gaa-ganawenimaad ini gemaa gaa-ganawenimigod

GIIN GE-IZHI-WIJI'IGOO-YAMBAN E-GII-MAANZHIDOODAAGOOYIN.

ENENDAAGOZID JI-AYAAD WIINDAMAAGEWIN.

Gi-daa-wiindamaagoo wegonen endawendaman ji-wiindamaagooyin iwe inaakonigewin gaye giin gaye eyaamagak ge-wiiji'igoyin. Gi-daa-wiindamaagoo gaye aaniin ezhiseg iwe dibaakonigoowin ezhi-dibaakonind awe gaa-gii-maanzhidoowindwaa, gaye gi-daa-wiindamaagoo giishpin awe gaa-gii-maanzhidoowindwaa enaaganiwid gaawiin o-daa-gashkitoosiin ji-dibaakonaaganiwid ozaam gaawiin gwayak inendanzii.

ENENDAAGOZID JI-GANAWENIMIND:

Bizaanigo gaawiin gi-daa-gotaajisii gegoon ji-doodawig awedi gaa-gii-maanzhidoowindwaa, megwaa dibaakonigeng, gaye gaawiin ji-gikenjigaadesinog aweneniwiin, gaye bizaanigo ji-wiijiigooyin apii wii-dibaajimoyin.

ENENDAAGOZID JI-DAGWIID:

Bizaanigo gi-daa-dagwii ji-ikidoyin enendaman iwe gaa-wii-dibaakonind gaa-gii-maanzhidoowindwaa, gegiin aaniish giidoonji-maanzhise imaa CVBR inake. Bizaanigo gaye gi-daa-agindaan iwe gidoozhibiigan gaa-waawiindamaagemagak aaniin gaa-izhi-maanzhidoowindwaa.

ENENDAAGOZID JI-GAGWE-DEBINAMAN JI-GIWE-DIBA'AMAAGOOYIN GAA-GII-WANITOYIN:

Bizaanigo ji-giwe-diba'amaagooyin gaa-gii-wanichigeyin: Gi-daa-gagwedwe ji-giwe-diba'amawig awe gaa-gii-maanzhidoowindwaa minik gaa-gii-izhi-wanichigeyin. Giishpin gaye gaa-diba'igesig iwe dinookaan mazina'igan gaa-ozhitooyin, dibaakonigewigamigong daa-onji-inaa ji-diba'ang.

ENENDAAGOZID JI-MAANAABANDAMAN:

Giishpin gaawiin gwayak ndoodaagoosii inendaman, gi-daa-ikid iwe. Giishpin gaawiin gaa-igooyin imaa Gichi-ogimaawigamigong, gemaa godag izhichigewin, gi-daa-ikid eminwendaziwan.

AANIIN APII AWEDI GAA-GII-MAANZHIDO ODAWIND GE-IZHI-WIJI'AAGANIWIPAN?

Igi gaa-gii-maanzhidoowindwaa bizaanigo aaniin apii go gii-dibaakonind awe gaa-gii-maanzhidoowindwaa daa-izhichige owe:

- apii gii-nanaando-gikenjigaadeg mamaanzhiwin gemaa gii-daakonigeng
- apii awe gaa-gii-mamaanzhiid wii-bagidinind
- apii awe gaa-anaamenimind naanaagadawaabamind ozaam gaawiin gwayak gii-inendazii inenimind apii iwe gii-mamaanzhiid.